





Dupont del. & sculp.



ד' ש"ס

ר

ד' ש"ס

ד' ש"ס

ד' ש"ס

ד' ש"ס

ד' ש"ס

ד' ש"ס

ד' ש"ס

ד' ש"ס

ד' ש"ס

ד' ש"ס

R A R I O R E S

OBSERV. MEDICO - PRACTICO - ANATOMICÆ

A D O C T.

CASPARO M. FORLANI

MEDICO - PHYSICO, AC CHIRURGO

E T

IN SENENSI ACADEMIA

PUBLICO PHILOSOPHIÆ PROFESSORE


E D I T Æ

DECAS PRIMA.



SENIS MDCCLXIX.

EX TYPOGRAPHIA ALOYSII, ET BENEDICTI BINDI



SUPERIORUM FACULTATE.

R A R I O R E S

OPERA LUDWIGI RACHO-ANATOMICAE

A. D. O. T.

CASPARO M. FORLANI

MEDICUS - PHYSICUS, AC CHIRURGUS

E. T.

IN SENIENSIS ACADEMIAE

PUBLICO PHILOSOPHIAE PROFESSORIS

HISTORICAL
MEDICAL

E. D. T.

DECA 2. P. 1. 1. 1.



SENIENSIS MEDICINAE

EX THEOPHILUS ALOPUS, ET BENEDICTUS SINUS

LIBRARY

EX LIBRIS



AD LECTOREM



Uamquam in dies Librorum copia, Medicorum potissimum undique obruimur, ut vix in tam angusto humanæ vitæ curriculo, non studiosi tantum tyrones, verum etiam ipsi in litteraria Republica emeriti viri tot jam vul-

gatas observationes Medico - Phy-
 fico - Anatomicas animo vel levi-
 ter possint percurrere; Attamen,
 humanissime Lector, tibi non in-
 gratum, molestumve fore confi-
 do, quod hasce meas in lucem
 ediderim. Satis quidem noveram,
 quàm parum illis, sive eruditio-
 nis, sive criticæ artis dotibus,
 quibus undique ætas nostra cæte-
 ras antecellit, essem instructus; mi-
 hique optandum adhuc plane vi-
 debatur, quod in aliis suspicere
 non defino. Quamobrem nefas
 mihi in Republica litteraria gra-
 dum ullum vindicare intellige-
 bam, ad quem viris tantum nu-
 meris omnibus absolutis licet con-
 tendere: Quorsum (hæc animo
 me-

5

mecum versabar) tenet insanabile
multos scribendi cacoethes, ægro-
que in corde senescit? (a) Qui-
nam Tu inter eruditorum agmen
elucubrationibus hisce minutis a-
liquod te publico afferre posse ar-
bitraris emolumentum, cum pu-
blicæ commoditati, & humani
corporis salutis, viri sapientissimi
Morgagnus, Eruditissimus Hal-
ler, Friderig. Hoff-mannus, Bo-
nettus, Hildanus, Heisterus, Ve-
rheyenus, Cowpperus, Keilifus
cum notis D. Pauli, Malpighius,
Burdonus, Mangetus, Drakius,
Listerus, Bohonius, Fantonius,
Cheseldenus, de arte Anatomica,
Eustachius cum notis Eruditiss.

A 3

Al

(a) V. Juvenal. Sat. 7.

Albini, Kulmus &c., cl. noster Tabarrani, aliique celeberrimi Auctores infudaverint, qui de aliqua humani corporis parte, vel de toto corpore egregie scripserunt, pluresque adhuc alii infudent? Qua demum ratione te justam censuram declinaturum confidis, cum ea ætate ad scribendum incumbas, qua vix optima probantur, quæ minus perfecta ad Pharmacopolarum schedas ad complicandum piper condemnantur? At vero fœria hæc mente volventi illud occurrit, litterarium campum ad eruditionis novæ flores excerpandos non ab iis tantum adiri, quorum est minus concinnos censoria virga secando notare, verum & ab aliis,

aliis, quorum est non inutilis colligendo proficere, juxta Sectani monitum (a) -- scripsimus hæc animo dociles, studioque juvandi, -- hinc veniam te daturum confido, si quid apud nos aut scribendo, aut scripta vulgando peccatum, ubi noveris, non cenodoxia, sed juvandi prurigne peccatum: Enim vero, uti docet Medicorum Princeps Hippocrates (b), alique sapientissimi viri, qui in Medicis rebus operam navarunt, summam utilitatem ars Medica ex Historiis per minutas illas in humano corpore observationes, Anatomia duce, quotidie se capere gloriatur.

A 4 Id

(a) V. Sat. 3.

(b) V. Epid.

Id equidem ab antiquis illis Medicæ artis prudentibus Græcis omni studio, cura, atque exercitatione servatum esse comperimus: hinc undequaque ab iis votivæ tabulæ in templis Esculapio, tamquam numini celebrato, dicatæ, in quibus morborum historiæ depictæ erant, veluti Medicinæ trophæa circumferebantur. Neque tamen ab omni censura immunes esse contendo Græcos illos ex scola *Coa* profluentes, cum figmenta multa & Chimeras de quibusdam rebus nobis tradiderint, quas hisce temporibus Medici accuratissimi penitus in abditam vitæ, & sanitatis naturam lynceis, ut ita dicam, oculis insipientes, per Practicas

eticas observationes, & partium corporis nostri, viscerumque officia commodius, quam olim Græci explicaverunt. (a) Medicinæ profecto nihil opportunius potuit accidere, neque prestantius, quam a nostris inventus sanguinis circuitus, veteribus incognitus, vel certe non rite nobis ab iis explanatus, quod quidem inventum anatomiae practicæ observationibus debemus (b). Id autem cum primum prodiit, tanta lux scientiæ
Me-

(a) V. cl. Verna de Plurit. P. 2. c. 1. p. 59. -- ait -- In Praxi enim quandoque minutia haud collecta, „ veluti minuta scintilla neglecta magnum sæpe exci- „ tavit incendium, tam ad ægri salutis jacturam, quam „ nominis Medici ruinam &c. --

(b) V. cl. Arveuf. Diff. de motu Cordis Franc-
four. 1626.

Medicæ affulfit , ut inde Medicus distinctè macchinæ nostræ vitam , æque ac sanitatem potuerit perspicere a continuis ingestionibus , & egestionibus , ex quibus sanguis efficitur , quarum alterutra si deficiat , vel forte modum , aut proportionem excedat , sanitas in humano corpore periclitari facile intelligatur (a) . Verum enim vero , qui hæc , multaque alia theoremata in arte Medica suo perscrutatus sit ingenio , solidam ille medicinæ theoriam , & praxim potissimum , repetitis observationibus in ratiocinatione rectoque rationis usu ,

(a) V. Frid. Hoff - manus . Diss. 2. De recta , & simpliciff. Naturæ medendi methodo -- Opuscul. Medico Practica .

usu, & prudentia fundasse dicendum est; Unde optimè Hipp. (a) ait --
 „ Quod Medicus omnia bene fun-
 „ data ratiocinatione facere de-
 „ beat, & quod opinio in me-
 „ dicina in crimine vertenda sit,
 „ quia perniciem affert -- Quod
 cum ita sit, quis porro ambiget
 asserere rationem Medici eam ef-
 se, quæ experientiam, & obser-
 vationem dirigat, easdemque me-
 dicas observationes, & experien-
 tias rationali judicio, & theórica
 destitutas, infidam esse empiricen,
 mutilamque? Quis sana dubitave-
 rit Philosophiam, ex qua magis,
 magisque ars nostra increvit, præ-
 cedere oportere Medicæ experien-
 tiæ,

(a) V. l. de Arte.

tiæ, & observationi? O vitæ Philosophia dux, o virtutis indagatrix Quid non modo nos, sed omnino vita hominum sine te esse potuisset? (a) Quod si ita Medicus, Philosophia duce, medicinam didicerit, tunc demum, & Pathologiam, sive morborum notitiam secundum mechanica principia, & semioticam, sive morborum prædictionem ex signis, denique Physiologiam, sive doctrinam de usu partium in anatomicis demonstrationibus optimè cognoscet, atque perpendet, ut sapiens Philosophus, qui teste Hippocrate *Isotheos* idest Deo similis erit. Vulgaris etiam error ille est, si
 theo-

(a) Opposite scripsit Cicer. Tuscul.

theorias in arte medica ab observationibus semotas, vel ab experientiis anatomicis rerum omnium magistris, perscrutari velimus, cum in praxi medica, & Medici ratiocinatione summa rerum artis medicæ consistat; Ex eo autem errore fit, ut remediorum usum, & abusum, in quocardo medicinæ practicæ versatur, ut optimè observat Fridericus Hoff-mannus; (a) perperam aliqui pseudomedici distinguant; Quare nil mirum, quod nostra etiam tempestate plerique hominum medicos iisdem querimoniis, contumeliisque prosequantur, quas olim

(a) V. Diff. De Naturæ, & Artis efficacia in moriendo. Opus. 1. Medic. practica.

olim in artem illam, quam Deus
O. M. in morborum remedium no-
bis e Cælo impertiri voluit mi-
seris -- Altissimus de Cœlo crea-
vit Medicinam (a) pleno ore ef-
fundebant Ethnici,

*Ars facit, ut valeant homines,
sed tempore nostro*

*Non fruimur medicæ tam satis
artis ope (b).*

Atque id maximè fuit in cau-
sa, cur tibi, humanissime Le-
ctor, jure optimo hæc meas,
qualescumque sint Medico--Phyfi-
co--Anatomicas observationes of-
ferrem. Qua in re siquid me,
fortunante Deo, profecisse intel-
le-

(a) V. Eccles. 38.

(b) V. Ovidio.

lexero , bene collocatam putabo
 industriam meam , animoque eri-
 gar ad novas in dies elucubratio-
 nes exhibendas , juxta Venusini
 effatum -- *Quod Medicorum est ,*
promittunt Medici (a) -- Vive ,
 & bono , quo damus , accipias
 animo , & vale .



OBSER-

(a) V. L. 2. Epist. 1.



OBSERVATIO I.

A Gricolæ uxor, Anno-
rum triginta quatuor
circiter, matrimonio
coniuncta quinque ab
hinc Annis, temperamenti cole-
rico--melancolici ad cachexiam
B ten-

tendentis, habitu corporis pingui, & ad laborem rure assueta, jam duobus ab hinc annis filiam peperit, quæ adhuc prosperam, ac vegetam vitam ducit. Tempore, quo malignæ (sic vulgo dictæ (a) exanthematicæ febres Urbem inceſſerant, febre putrida petecchiali affecta fuit, statimque a familiari suburbano chirurgo advocato sanguinis missione è brachio ad uncias fere duodecim curata fuit, & absque alio auxilio per duos fere dies relicta. Quarta vero die domestici ex nulla ipsius morbi remissione valde exterriti, unanimi consensu

(a) V. cl. Antonius de Haen - Ratio Medendi P. 3. c. 1., P. IV. c. 1., & P. V. c. 1.

fu illam in hoc Regium Senarum
 Nosocomium commodè transtule-
 runt. Et revera supradicta febre
 eam laborare cognitum est, nec
 non virium prostratione esse affe-
 ctam, cum magno capitis dolore,
 siti, lingua viscida, ac mucosa
 albicoloris materia coopercta,
 pulsu inequali, languido, & ali-
 quantisper parvo cum alvi segni-
 tie, & facie nimis squallida. In-
 terim sæpe sæpius demissa voce
 conquerendo aiebat, se trium
 mensium graviditate laborare.

In hoc rerum statu ad sitis
 extinctionem præscripsi aquam ni-
 tram, & pulveres Hoffmanni
 absorbentes, paratas nempe ex
 nitro, oculis cancrorum fluviati-
 li-

libus, & cinnabaro nativa: nec non sanguinis missio ex alio brachio pariter iterata fuit. Hic vero sanguis in catino altera die, nempe quinta meis oculis perlustratus, crusta glutinosa, summæque consistentiæ æquabiliter coopertus comparuit; atque hac ipsa die jactatio, vigilia, nec non dolores in regione umbilicali accesserunt. Juxta quintæ diei finem, pulsus in altum profiluere cum summa vacuitate; noctu vero sub sextæ diei cursum, per totum corporis ambitum maculæ intensi rubri coloris ad nigrum vergentis eruperunt. Abortum prædixi; & revera circa hujusce sextæ diei finem, & septimæ principium, diarhea
cum

cum molestissimis torminibus toto abdomine coniuncta supervenit, & noctu ex naribus hæmorrhagia aliquatenus copiosa, quæ diarrheam sustulit. Nihilominus vero febris periodus ad propriam, & insitam durationem perduravit; sed maculæ citius evanerunt, & tormina magis, ac magis sævierunt, & crudeliter suum juxta uteri regionem imperium confirmarunt; tamen jactatio cum vigiliis, & convulsionibus in brachiis, ac supradicta diarrheæ ad blandam tranquillitatem, emollientium ope, devenerunt. Octavam autem morbi diem sic calamitosè illa transegit. Nona vero dolores sunt aucti, & circa dimi-

diam noctem sanguis ad pudenda in conspectum venit, & noctu circa decimi principium, molam carnosam, magnitudine ovi circiter anserini edidit cum torminibus, & eo sanguinis profluvio, ut quam citissimè trium subsequentium dierum spatio plus novem libras profuderit. Subsequenti autem tempore, ac rectius circa decimam tertiam diem, facies nimis collapsa, & Hippocratica, ab ipsomet Hippocrate sic dicta, comparuit, cum pulsibus vix quidem sese manifestantibus, una cum tendinum subsultibus in carpis, & summa circulationis inertia. Verum triduo post partum, vel proprii hujusce morbi
 deci-

decimatertia die prædicta, juxta noctem crudelis rigor, una cum convulsionibus, & magna jactatione per sesquihoram apparuit; deinceps vero octo post horas nempe, quam abundantissime sudavit, & vix quidem per inferiora; unde ex ipsomet novo morbi statu quam rapidè ventum est ad chinæ chinæ usum. Decima vero quarta die, vel quarta post partum, eadem hora idem crudelis rigor, convulsiones, & sudorum diffusiones per superiora denuo accesserunt; & tandem circa decimæ quartæ diei principium, iterum accessit idem anxiosus rigor febrilis, in cujus dimidio quam rapide jam præmunita Sacrosanctis

Ecclesie actibus, stertendo vitam cum morte commutavit.

Ex hac morbi historia exter-
ritus, avide, & cum ingenti cura
ad cadaveris sectionem una cum
amicis me ipsum transtuli; & quo-
niam, ex tota morbi ratione fe-
re omnia symptomata ex viscerum
abdominalium labe evenire fatis,
superque patuit; ideo ab ipsomet
abdomine initium fecimus, ac pri-
mum sejunctis integumentis, ab-
dominis musculis, & peritoneo,
ileum intestinum aliquantisper in-
flammatum præter naturam, & ab
aere tumidum supra modum con-
speximus; utrum vero in aspectu
externo in transversum utroque la-
tere magis extensum, ac magis
in

in sinistra parte : Verum enim vero dissectum transversè circa fundum , curiosè , & magna admiratione oculis perlustrantes comperimus divisum esse per longum in duas sejunctas cavitates , intersepti , seu columnæ ope , quæ ejusdem erat substantiæ , ac uterus , & validioris circa fundum , tenuiorisque in inferiori parte , in qua finem suum habebat , priusquam ad uteri osculum devenisset , ita ut ambæ cavitates solummodo hoc in loco in unum confluerent . Sinistra pars vero aliquantisper angustior dextera , inflammata , & omnia speciatim sanguifera vasa , ex quibus conficiuntur parietes , majoris amplitudinis ,

nis, & crassitie erant: & circa
fundum ejusdem partis, mola
portiuncula adhærebat, quæ erat
ejusdem substantiæ, ac mola ipsa
vitæ tempore in lucem jam edita.
Inferior pars vero fere tota gan-
grenosa comparuit, juxta nimium
rum uteri osculum. In dextera
autem parte nil fere, quod acci-
ipius substantiæ alterationem spe-
ctat, affulsit; sed quam rugosa
erat, flacida, & laxa, nimiaque
capacitatis respective, ad totam
naturalem uteri amplitudinem, in
qua probabiliter unica ex ea nata
filia concepta fuit, ac enutrita
per totum gestationis tempus.
Tandem partem uteri inferiorem
in qua ambæ inter sese commu-
nio-

nionem habebant, valde inflamm-
matam conspeximus, & hinc in-
de fædis maculis gangrenosis cir-
cumsperſam, ſpeciatim in oſculi
corona, & in qua ſanguis gru-
meſactus, ac fere corruptus libere
hærebat, uti etiam aliquid ſibi
ſimile in ipſius vaginæ cavitate
fœde permanebat.

Hæc ſunt, quæ naturæ obſer-
vatione digna reperimus, itaque
ex hoc ipſo naturæ luſu nimia
admiratione affecti cætera omnia
reliquimus.

OBSERVATIO II.

V Illica ad ruſticas operas
quam apta, atque ipſis la-
boribus ſuffulta, temperamenti
ad

ad frigidum, & ficcum tendentis
 postquam ad nuptias debita ætate
 ac corporis plenitudine, & exten-
 sione devenit, quam feliciter va-
 rios filios suo tempore peperit
 videlicet in primo partu unum
 tantummodo prolem; in secundo
 duos satis vegetos, ac pleno cor-
 pore efformatos foetus; in tertio
 iterum duos pariter vegetos felici-
 ter in lucem edidit; in quarto
 tres debito tempore, ac felicitate
 æqua magnitudine donatos edidit
 absque sensibili corporis incom-
 modo, si excipias tempus gravi-
 ditatis, & nimiam musculorum
 abdominis, integumentorumque
 ac uteri distentionem; in quinto
 demum duos filios peperit; ac in
 sexto

sexto unum solummodo ; Tandem in septimo pro vero partu, molas nonnullas sarcomatofas diversæ magnitudinis reddidit, ac nonnullæ has inter intus fuere aquositate plenæ, videlicet tenacis lymphæ, viscosioris aliquæ, aliæ vero tenuioris consistentiæ. Post hæc omnia cum jam ad ætatem maturam pervenisset usque ad annos XLIII., cœperunt catamenia parcè, ac tenuiter fluere, quæ ab anno XIV. usque ad illud tempus satis large, ac rubicundè fluxerant: sequenti vero tempore cœpit laborare morbo cum decolori facie, & totius corporis emaciatione, nec non sensu tumoris vagante in ipsamet abdominis cavitate

tate huc, illuc eundo, ac redeundo juxta situm, & positionem corporis in cubili servatum, semperque castra sua servando juxta propriam gravitatem. In hoc rerum statu catamenia prorsus evanuerunt, spatio a primo morbi intuitu quinque mensium circiter, ac alvus quam pertinacissime, uti etiam per totum vitæ cursum sicca facta est, ac permanfit, paulatimque totum reliquum corpus ad summam emaciationem devenit. Hic vero abdominis tumor cursu temporis ad majorem extensionem est perductus in superiore parte; nam ex ima abdominis provenire satis, superque manifestum fuit, & paulisper imperium firmam-

mavit in toto abdomine, cum contumaci pedum tumore, & urina minore, colorataque, ac speciatim fluctuantes materiæ in regione umbilicali, & Ipogastrica tactu deprehendebantur, ita ut nonnulli pro vera ascite habuerint; sed attento examine in tangenda regione Epigastrica patefiebant variæ, ac diversimodè dispositæ circumscriptæ partes duræ, ex quibus Medici, ac Chirurgi, qui etiam pro curiositate adfuerunt, varium ambiguumque iudicium de hoc morbo ferrent: Labentibus vero mensibus, accessit pertinax Dyspnea, & abdomen magis, ac magis intumuit usque ad nimiam, deformemque preternatu-

naturalem extensionem, ut videre licet in T. I., ita ut vulgarem amplitudinem dimidio plus excederet, & pendulum super crura jaceret. In hoc rerum statu naturalis appetitus permanebat cum aliquantula præternaturali fiti recurrente, & speciatim matutinis horis; at vero pulsus nunquam fuit febrilis, ut mihi met retulerunt plures Chirurgi, & somnus aliquantisper placatus fere semper permansit; sed ob molestissimum abdominis pondus, extremitates inferiores magis tumidæ, seu oedematosæ, & hinc inde copiosissimis Varicibus conspersæ apparuere, & vacillantes evaserunt, ut etiam naturæ vires:

Bre-

Breviter dicam, corpus ipsum instar ambulantis sceleti, seu ossium compagis movebatur. Magna illi inerat appetitus privatio cum summa virium lassitudine, & aliquoties corporis jactatione, ac languore. Cum autem eo esset corporis habitu, gerendo res aliquas domesticas per domum, & circa domum monstruosè obambulando, præter ulteriorem abdominis tumefactionem, externè circumcirca Herpeticæ miliares in Umbilico pustulæ apparuere, (a) ex quibus copiosa feri quantitas continenter promanabat, absque oeconomix utilitate; Et sic miserimè, ac labiorosè vitam transegit

(a) V. **T.** 1. BB.

git obambulando per quatuor annos, & ultra.

In hoc tam vario temporis spatio, varii admodum medici, ac chirurgi ad eam invifendam, etiam libenti animo, ut ego ipse, interfuere; sed fere solo diligentissimi chirurgi *Fracassi* Chiusdinenfi consilio, varia Diuretica, nec non admodum diversa lenientia interpolatim usurpare in frequenti usu habuit, absque ullo alio auxilio.

Tandem ob summam naturæ virium & corporis lassitudinem in Lecto firmiter fixa jacens per quatuor circiter menses, nec non atrophia superiorum maxime annexarum partium consumpta, calam-

lamiſe, mente tamen integra,
ac firmo ſpiritu, ſponte requiſitis,
& acceptis ſacroſantis Eccleſiæ
aſtibus, miſerrimè requievit die
XXVI. Aprilis MDCCLXVI.

Ex hac perrara morbi hiſtoria
ad cadaveris ſectiõnem avide cum
fociis, & amicis me tranſtuli;
ac primo diligenter filo circum-
ducto menſuram extenſionis ipſi-
uſmet abdominis exploravimus,
quæ fuit ſupra tertiæ partis ejuſ-
dem totius corporis extenſionem.
Poſtea vero ad abdominis ſectio-
nem devenimus, & deſectis inte-
gumentis, oculis perluftrantes pro-
prios ejuſdem abdominis muſcu-
los, graciliores, & laxiores red-
ditos fuiſſe, ac per quam exiles
com-

esse animadvertimus. Peritoneum vero per quam extensum, ac validius redditum, & substantiæ crassioris: Inde peritoneum introspectantibus apparuit tumor folliculatus, qui anteriore parte cellularis membranæ opè strictè cohærebat, a Chirurgis struma dictus, in quatuor partes divisus, (a) ac communi folliculo circumdatus, quarum pars superior, una cum sinistra, & dextera varios, & admodum diversos folliculos ejusdem speciei, ut videre est in T. II. NN. perinde ac si tales folliculi fuissent fere in fundo undequaque tumoris, diversæ magnitudinis, & consistentiæ: & horum aliqui

(a) V. T. III. F. I. NN.

liqui materiam fusam continebant, alii tamquam sebo repleta, alii albumini ovi similes erant, & alii melli simplici ferventi, vel decocto granorum coffe saturato satis superque diversimode repleti comparuere: ex quibus satis patuit diversam horum mollitiem, & tenacitatem non ex alio fieri, quam ex varia ejusdem materiei coadunatione, & consistentia: Hi omnes folliculi firmiter connexi evadebant ope cellularis membranę, & alicujus fibrę carnosę seu muscularis invicem intertextę, in quorum interstitiis varia admodum vasa arteriosa, & venosa exilissima intertexta erant; ex quibus probabiliter omnes simul comprehensi

hensi folliculi vitam, & augmentum traxere. Inferior vero pars in tota regione umbilicali firmiter fixa, & aliis connexa folliculis hærebat, imperiumque obtinebat; quam amplissima vero superius posita (a), materie virulentæ repleta, erat similis partim saturatæ decoctioni granorum coffeæ, & partim melli simplici, variæ consistentiæ, & glutinositatis: hujusce materie pondus ad XL. circiter libras ascendebat; & proprius ejus, quamvis cum aliis præcitatis, communis folliculus quam crassus erat, & tractû tractû fere substantiæ cartilagineæ. Hic magnus tumor intus in parte fin-

ni-

nistra alium divisum folliculum continebat, cum ipsomet magno folliculo intertextum albumini ovi simili materia repletum. Similiter non dissimilis alius hærebat in parte superiori, fere in medio supradictæ partis lateralis totius tumoris, ut clarius patet in T. III. F. I. L. Q. Hic amplissimus folliculus in parte superiori, & media quem arctissimè adhebat æsterne omenti extremitati; & quoniam partes hujusce tumoris superiores proprium imperium habebant sub magno ipsius colon arcu, etiam hoc in loco pluribus locis conjunctus erat cum ipsomet colon, ut videre licet in T. II. L. IIII. In inferiore vero parte sini-

stra ita connexus erat cum ipsa-
 met Tuba Falloppiana sinistra,
 & muliebri testiculo, ut ne sum-
 ma quidem cultri diligentia divi-
 di posset, & muliebris testiculus
 speciatim, vix quidem aliquid ve-
 stigii monstrabat, absque ovis cir-
 cumscriptus. In dextera parte ve-
 ro alter muliebris testiculus (a)
 liber, ac divisus cum ipsamet tu-
 ba manebat, sed cum ovis scir-
 rhosis redditus, & mole auctis.
 Tandem hic idem magnus, ac
 communis folliculus, vasa arte-
 riosa, & venosa communia ex
 mesocolon habebat, illo in loco,
 quo colon supra os Ileon fini-
 strum incurvatur in Intestini Re-
 cti gratiam. Inter hæc sanguiflua
 vascu-

(a) V. T. III. F. I. GG.

vascula prædicta non pauca etiam adveniebant ex ipsomet mesorecto vertebrae lumbales versus, & ex spermaticis speciatim sinistris, nec non ex lato tubæ ligamento, quod ex similitudine alæ vespertilionis ab anatomicis vespertilio, seu latum nuncupatur. Ablato ex abdomine supradicto tumore, in lucem evenerunt intestina aliquantisper inflammata, & speciatim Ileum intestinum, quod totum sub magno folliculo hærebat cum reliquis omnibus Intestinis, ac cum quadam parte ipsius colon in magnæ curvaturæ tractu, & cum omento. Mesenterii vero Glandulæ auctiores comparuere, & fere ad scirrhositatem translatae, ex quibus tran-

transversè percurrentia quædam vasa lymphatica patentiora vidimus cisternam versus directa. Jecur vero naturalis molis, & substantiæ erat; sed bilis ipsa in cystide collecta, subtilior, & dilutior facta erat, & color ejus ad clarum vergebat. Lien vero in statu naturali comparuit, uti etiam Pancreas.

Post hæc omnia ad uteri, & vaginæ sectionem devenimus, ac in interiore ejusdem vaginæ facie columnam unam perspeximus ipsiusmet hymenis adhuc integram esse, nec non validiorem, & ampliorem factam: quod vero spectat ad vaginæ substantiam, quam naturalis erat, sed nimis laxa,

ru-

rugosior, & summæ resistantiæ. Uteri vero substantia, & magnitudo quam naturalis, si fundum excipias, qui in parte sinistra amplior redactus erat. Tubæ vero, ipsarumque fimbriarum ejusdem partis vix ullum vestigium erat, ob summam cohærentiam cum ipsomet magno folliculo: ejusdem uteri cavitas vero amplior redacta comparuit, & in aliquibus fimbriis tubæ dexteræ parvæ idatides nonnullæ manifestè comparuere, uti etiam in tractu rotundi ligamenti sinistræ partis.

Hæc sunt, quæ solummodo observatione digna mihi videbantur.

Hic vero tumor, seu potius
stru-

struma, utrum ad ipsum muliebrem testiculum, suamet propria origine, pertineat, an vero pertineat ad proprias glandulas lumbales, an ad ipsas mesocoli glandulas, aut mesenterii, non satis intelligo: id unum adiiciam, ad primam classem potius referri quam verisimillimum esse ex ipso-
 met alterius muliebris testiculi scirrroso ovorum statu, & fere ex summa sinistri muliebris testiculi abolitione; & revera non desunt apud eruditos observata non multum dissimilia, & ab ipsis practicis auctoribus nobis tradita, & speciatim nuper ab eruditiss. Alberto Haller in suis disputationibus ad morborum historiam,
 & cu-

& curationem facientibus T. IV. de stupendo abdominis tumore §. V. p. 447. &c. Verum si cupis b. l. videre qua ratione, & quomodo in mulieribus hujusmodi tumores fieri possint, ne ultra propositas leges longus sim, lege prædictum Albertum Haller l. c. §. XI., & XII. p. 460.

OBSERVATIO III.

Florida virgo Annorum XIII. circiter, temperamenti ad siccum tendentis, & raræ constitutionis, postquam per duos annos successive difficilis respirationis morbo laborasset, cui febres irregulares superveniebant, & per-
du-

durabant per quinque, aut septem dies, una semper cum orthopnea, seu potius fere catarrho suffocativo, (a) tandem hæc omnia recurrendo cum ventris torminibus, & corporis habitu jam factò cachectico, quamvis diversimode a variis medicis curata, inopinanter a catharrho suffocativo perculsa, una cum pulsu exilissimo, & superiori respiratione, ad superos evasit XXVI. Dicemb. MDCCLX.

In cadaveris sectione totam interioris sui pectoris partem, ac structuram oculis perlustravimus, una cum totis visceribus, & vidimus nonnullas bronchiales glandu-

(a) V. cl. Etmullerus Prax. L. I. T. II. S. XIV. G. III; art. IV. p. 215.

dulas scirrhosas radditas, nec non auctiores, speciatim illo in loco biforationis ipsiusmet tracheæ, in quo specialiter una magnitudinis majoris quam ovi Gallinacei erat distenta, & sepulta in ipsamet tracheæ cavitate, ita ut nonnulli semicirculi cartilaginei tracheæ illo in loco contusi, ac fracti essent ex summa illius glandulæ compressione facta, & ipsi tracheæ parietes interni ad summas angustias redacti, uti etiam trachea in sui biforcatione fere foramine carebat (a). Pulmo ipse in ambabus pectoris cavitatibus quam inflammatus inventus fuit; & cor spe-

(b) V. Giorg. Basiliensis

speciatim in ventriculo dextero, auricula, & venæ cavæ sinu, undequaque prolatum erat, & perquam flaccidissimum. Abdomine vero adapercto, nonnullos teretes vermes glomere collectos in jejuno intestino inesse aperte vidimus; & reliqua omnia in statu naturali constituta satis superque comparuerunt: nervorum systhema vero quam flacidum, & laxæ constitutionis. Tandem totus sanguis in propriis vasis collectus, & ut in communi est speciatim in venis, decolor erat, & suos grumos, seu Polypos in quiete efformatos (a) circa precordia, fere nullius conf-

(a) V. Andrea Pasta negl' Atti Carogerà T. 30. e 31. De cordis Polypo dubium revocato.

sistentiæ esse, & per quam raræ constitutionis perspeximus.

OBSERVATIO IV.

Florida mulier robustæ constitutionis, & laboribus dedita XXV. suæ ætatis anno ad nuptias ingressa, lento, sed contumaci capitis dolore laborabat cum frigoris sensu in interiore capitis parte usque ad tempus primæ periodicæ purgationis, quod fuit anno suæ ætatis XVII. Suo primo graviditatis tempore, summo cruciatu dolor eò pervenit, ut tumultuosum delirium inferret absque febre, sed cum pulsum inertia summa, & exilitate, ac non raro cum recurrentibus, dirisque hystericis passionibus, speciatim in

D

cor-

corporis parte dextera : Tamen Paregoricorum ope, & parcis, repetitisque sanguinis missionibus, aliquanto feliciorē vitam ducebat, ac commodē fœtum gestavit, & debito tempore peperit, nec non in pristinum statum rediit, si excipias crudum frigoris sensum in anteriore capitis parte. Itaque prospere repetens sua munia, posteriore anno denuo ad novam gestationem transiit, iterumque per totum graviditatis cursum prædicta symptomata crudelia comparuere, quæ post partum desinebant non tamen sublato supradicto frigoris sensu. Deinceps vero per undecim fere annos ita se habendo, quatuor filios

lios procerosi corporis fortunatè peperit , semper cum prædictis crudelibus symptomatibus . Tandem cecidit in frequentiores , ac crudeliores convulsiones , magisque patentes in dextera corporis parte , ac catemenia , quæ usque adhuc , ac congrui profluxerant , abierunt ætatis suæ XXXVI anno . Itaque crudelibus convulsionibus , & aliquoties acri delirio vexata nullum ex variis medicamentis levamen capiebat , quæ a compluribus medicis adhibita fuerunt : Quin diræ convulsiones sæpe sæpius per diem , & ferinum delirium recurrebant cum tensis hypocondriis , alvi segnitie , ut plurimum sufficientibus aquosis urinis

& aliquoties Jumentosis redditis, nec non patenti Timpanitide, & siti. Toto hoc prædicto suæ vitæ tempore appetitus semper, ac constanter præsto fuit, uti etiam naturæ vires. Tandem vero auctis, ac frequentius male habentibus totum corpus convulsionibus, miserrimè vitam cum morte commutavit ætatis suæ XXXIX.

Postridie autem ad cadaveris sectionem deveni; & quoniam omnia symptomata ex partium capitis affectione prodierunt, ideo a capitis sectione initium fecimus. Detractis capitis integumentis, pericranium, & ipsum cranium oculis perlustravi, omniaque in statu naturali constituta cognovi; cranium

nium vero ipsum in interna sui parte, ac in tractu futuræ sagittalis, varias habere vidi, ac dissimiles præternaturales excavationes ex variis pisiformis tuberculis in ipsamet duræ-matris externa superficie existentibus procreatas, ipsumque finum, una cum aliis ipsius cranii varicosum factum, abundantique sanguine grumefacto repletum, uti etiam varias venas in illud se ingerentes. Ablata dura-matre, piam inspexi, turgidis vasis nimio sanguine repletam; ast aracnoideam membranam cum ipsamet substantia corticali, ac medullari ipsius cerebri, ac cerebelli nec non plessu coroideo in statu naturali constitutam esse satis apertè patuit. Verum e-

nim vero pars anterior sinistra ipsiusmet cerebri aliquatenus ad maiorem magnitudinem redacta exterius videbatur: & revera toto cerebro horizontaliter diviso juxta suos ventriculos, tumor in ipso-
met ventriculo sinistro follicolatus comparuit, materiæ glutinosæ, flavescentisque repletus, & fere non dissimilis albumini ovi, ipseque folliculus flaccidissimus erat, nam quam facillimè ex sola ipsiusmet cerebri compressione est ruptus. Tumor hic pro maxima sui parte inerat potius in anteriore ipsius ventriculi portione, & reliqua sui parte totum fere ventriculum

lum pervadebat usque ad ipsum Ippocampum subiacens (a).

Deinde vero adaperto thorace pleuram, & diaphragma inspexi, in quorum parte dextera, nonnullæ scirrhusæ protuberantiæ, vel substantiæ sibi similes circumspersæ cum variis idatidibus hinc inde positis aperte comparuere; & ipse pulmo inflammatus erat, ac extrema sui parte inferiori, nec non dextera adherens ipsimet diaphragmati tractu circiter pollicis uno comparuit: similiter in ipsa pleura dextera serum è propriis

D 4

va

(a) Admodum curiosa est historia Valsalvæ a cl. Joanne Baptista Morgagno nobis enucleat. V. de sedibus, & causis morbor. per anatomen indagatis. Epist. 1. T. 1. §. 6. p. 6. Et non dissimiles aliæ videri possunt in Bonetti sepulcreto L. 1. S. 11. obs. 8. & seq.

vasibus exclusum, ac vagans inesse vidimus, ponderis circiter librarum quinque. In interiori ipsius pulmonis substantia glandulas bronchiales pro majori sui parte auctas fuisse satis animadverti, nonnullæque cultro divisæ duriores comparuere. Alteram vero pulmonis partem in proprio suo statu naturali constitutam esse patuit, uti etiam cor, & omnia vasa sanguiflua præcordialia, si excipias nonnullum polypum in ventriculis ipsiusmet cordis præsistentem, & reliquum sanguinem magis solutum, ac fluidum.

Abdomine recluso, jecur vidimus substantiæ, ac molis naturalis, uti etiam conclusam bilem
in

in cystifellea; sed ejusdemet lobus ventriculo subiacens aliquatenus inflammatus videbatur. Lien vero, ventriculus, pancreas, omentum, intestina, mesenterium ejusque glandulæ, renes, veslica urinaria, uterus, muliebres testiculi &c. ad statum naturalem constituta esse satis patuit. Tandem vero observatione mihi dignum visum fuit systhema musculare, quod quam gracile totum comparuit, & facillimè, etiam parvis viribus lacerabile: membranam vero cellularem, seu magis adiposam quam divitem esse propriæ suæ materiæ oleosæ, seu potius sebaceæ, aperte intuenti constabat.

OB-

OBSERVATIO V.

V Ir ad cachecticum tendens, olim Galliæ Provinciæ miles, quadraginta fere annos natus, postquam Pforam, seu scabiem caninam per plures menses toleravit hyberno tempore, & sine præcedente ulla corporis præparatione, & consilio, nescio, quo medicamentorum usu, liber evasit, ac paullo post incidit in febrem inflammatoriam cum summa respirandi angustia, atque astantium, ac vicinorum pietate in hoc Regium Senarum Nosocomium asportatus fuit. Hunc statim ego ipse pervidi, & ferali
 Peri-

Peripneummonia cum frequentibus lypotimiis, pulsuque molli, & convulso laborare eum inveni, statimque sanguinem repetitis vicibus per diem detrahendum curavi, & paregorica præscripsi, ac noctu senapismos cruribus apponendos statui; sed incassum omnia adhibita fuere; Nam cum naturæ vires plurimum, etiam in principio debilitatæ essent, quam cito sacrosanctis Ecclesiæ actibus æger munitus fuit; & revera inopinanter secunda morbi die vitam cum morte anxie commutavit. (a) No-

(a) In coacis habemus -- Quod si totus pulmo una cum corde inflammetur, ut in latus procidat, resolvitur totus æger, jacetque frigidus, & sensus expers

Notandum vero ægrum hunc hisce duabus suæ afflictæ vitæ diebus, aphonum semper fuisse absque patenti guturis inflammatione, & externo tumore, & totis viribus obfistentem enema præscriptum numquam recipere voluisse.

Altera die in perficienda hujusce cadaveris sectione, in externa abdominis parte, ac regione hypocondriorum dextera, tumorem circumscriptum, magnitudine ovi Gallinacei aspeximus, atque adaperitum, respondentem vidimus portioni cavæ, seu inferiori

ri

pers : Moritur autem secundum, aut tertium diem agens: sin autem sine corde contigerit, idque minus; ferius vitam finiunt, & quidam evadunt. -- V. cl. Duretus c. XXI. §. 32. p. 276. & cl. Verna de Pleuritide P. 3. c. IX. p. 77. 78.

ri ipsius jecoris, & ex omenti exclusione efformatum esse absque peritoneo circumcingente, & cum aliquibus glandulis ipsiusmet omenti supra modum auctis: Ex qua omentali Hernia coniiicere nobis licuit, aliquot ante annis hoc in loco vulnus eum accepisse longitudine fere duorum pollicum, uti revera ex diligenti externorum integumentorum examine cicatricem animadvertimus; Unde prædictam Herniam originem habuisse ex inconvenienti curantis Chirurgi efformata futura statuimus (a). Deinde

(a) V. Laurent, Heysterus Chirurg. L. I. c. V. p. 100. &c. V. Traité des operations de Chirurgie Par M. René -- Jacques croissant de Garengoet. T. 1. de la Gastroraphie Article 1. p. 178. &c.

inde vero alius externus multo minor tumor nobis comparuit sub hypocondrio sinistro, nempe sub liënis positione, qui tumor nil aliud fuit, quam cicatrix adhuc adaperta, cujus parietibus ipsum intestinum colon firmè adhærebat cum parte sua superiore, atque ipsius ani commodè ex hac parte vicem gerebat. Et revera ex ipsamet sectione veritatem hanc patefecimus: Nam partem inferiorem ipsius intestini colon maximè corrugatam esse, ac planè vacuum, quippe quæ solum mucum intestinale contineret, ideoque suo muneri pene ineptam esse, ex tota ejus divisione satis patuit. Postea vero jecur ipsum
con-

conspeximus, ac in statu naturali constitutum vidimus, sed ad molem aliquanto majorem redactum, nec non in ipsa ejusdem jecoris cystifellea bilis dilutior nobis comparuit, ac in ejus cavo, duo calculi, glandis magnitudine inerant. Lien vero supramodum auctus erat, & per quam scirrhusus, uti etiam ipsum pancreas. Adaper-to thorace, pulmonem speciatim sinistrum equabiliter quam inflammatum, turgidumque, & ad maximam resistantiam fere ipso hepati similem adductum inspeximus (a), in
cu-

(a) V. cl. Joann. Bapt. Morgagni de sedib., ac causis morb. per Anat. indagatis L. II. Epist. XXI. §. 23. 27. 28. Et cl. Frid. Hoff-mannus Med. ration. syst.

cujus parte dextera fluitans, flavumque serum in pleuræ capacitate supra libras sex innatabat. Dissecto pericardio, cor ipsum perlustravimus aliquatenus mole auctum, & ubique materia mucoso-flavescente cum forti adhæfione coopertum, & fere purem referente, nec non idem cor summè inflammatum, & in externa superficie ubique fere papillatum comparuit: Per longum vero eodem corde cultro diviso, in suis ventriculis sanguinem vidimus ad nigredinem vergentem, & quammaximè solutum, nec non abundan-

syst. T. IV. P. I. S. II. C. VI. in qua ait §. XII. --
In sectione pulmones inveniuntur inflati duri, instar hepatis, & aquæ fundum petentes &c.

danti copia in auricula, & ventriculo ipsiusmet cordis dextero coacervatum .

OBSERVATIO VI.

V Ir procerus, professione Lanius, habitu corporis quam robusto, ac pleno, nec non laboribus, herculeisque viribus dedito, annos quinquaginta circiter natus, quatuor ab hinc annis coepit cordis palpitationibus laborare, & ferali Hæmoptisi, quibus non raro fluxus hæmorrhoidalis accessit. Sed omnia feliciter evanuerunt Medicis artificiis, nempe summa corporis quiete, Dieta, nec non parvis, ac repetitis

E fan-

sanguinis missionibus. Verum enim vero post duos annos cecidit in ferum anasarca, ex quo pariter feliciter evasit aptorum remedium usu, & paullo post iterum incidit in cordis palpitaciones, & novam hæmoptisim tam crudelem, ut corpus movere, & incedere vix quidem posset; Itaque brevi temporis spatio ad summam cachexiam transiit cum summa totius corporis laxitate coniunctam, viribusque naturæ prostratis, ita ut tandem firmiter in lecto jacere sit coactus cum continua, & lenta febre, & a Domesticis denique sit asportatus in hoc Regium Senarum Nosocomium, in qua per quindecim
dies

dies incassum omnia adhibita fue-
re , quamvis summa cautela , at-
tentione , & cura esset tractatus .
Tandem vero summè turgidus
per totum ambitum factus , cum
sublimi , & laboriosissima respira-
tione , pulsuque semper , ac co-
stanter irregulari , nec non con-
vulso , opportunè sacrosanctis Ec-
clesiæ actibus prævinitus , inopi-
nanter , ac stertendo expiravit .

Postera die ad ipsius cadaveris
sectionem deveni cum amicis , ac
adaperto thorace , serum innatans
& admodum flavescens in amba-
bus thoracis capacitatibus magna
copia coadunatum comparuit , sed
multo magis in parte dextera .
Ipsam pericardium externè perlu-

stratum, alter fere pulmo, prima fonte, videbatur pro sua excedenti mole: Per cultrum vero adapertum ipsum cor contentum fere dupliciter divisum comparuit, ejusdemque fibræ musculares quam laxæ, & tenuissimæ consistentiæ comparuere: Per longum deinde diviso in suis ventriculis, dexterum vidi nimia capacitate donatum, & sinistrum fere servantem statum naturalem: Ambo ventriculi prædicti turgido sanguine, & soluto, ac fere ad nigredinem vergente repleti erant; & auricula, sinusque venæ cavæ ipsius cordis dextera parte in excessum dilatati comparuere, ita ut aliud cor simul comprehensum videretur.

tur. In hac præternaturali ampla capacitate plures sanguinis grumi in circuli formam dispositi, ac invicem positi inerant, summęque consistentiæ apparebant, in quorum medio prædictus sanguis, turgidus, solutusque innatabat. Valvulæ semilunares arteriæ pulmonaris, & pertinentes ad ipsum dexterum ventriculum prolongatæ aliquatenus erant, & in medio unius non minimus tumor folliculatus manebat, magnitudine nucis avellanæ, & sebacea materia repletus, ac magna ex parte ipsimet cordis ventriculo subiacebat : Similiter in hujusce cavitate, variæ, & dissimiles hidatides comparuere usque ad duodecim, speciatim cir-

ca columnas, aut lacertos ipsius cordis, & valvularum tricuspidalium, & hæ ipsæ valvulæ quam prolongatę erant. (a) Ipsum pulmonem in statu naturali satis comparuit, & solummodo intus in parte sinistra ulcus animadvertimus per pollicis tertię partis tractum in ipsamet substantia membranosa bronchiali serpens, & glandulas similiter bronchiales circumstantes aliquatenus auctas: In perlustrando ulcere, syphonis, & aeris ope, aerem libere protrudi vidimus per duos sinus in aliquas aereas pulmonis vesiculas, quibus postea cultro divisis, pus inesse patuit.

Abdo-

(a) V. Joan. Bapt. Morgagni l. c. T. 1. L. II. Epist. XVII., & XVIII. V. cl. Joan. M. Lancisi de febricitantibus. Obs.

Abdomine recluso, jecur conspeximus aliqua magnitudine ubique auctum, sed maxime decoloratum. Ventriculus vero nimiae capacitatis erat, & fere supra dimidium. Omentum vero quam pingue cum aliquibus venis varicosis. In mesenterio varices abundantissimae fuere, uti etiam in mesocolon, & mesorecto: Ipsamet vena cava ascendens, quam amplissima videbatur, & sanguine fere nigro repleta; sed supramodum admirabilis fuit vena porta, quae magnitudine ipsam fere venam cavam æquabat, & omnes ejus propagines varicosas esse aspeximus. Lien vero aliquatenus tumefactus comparuit; & reliqua omnia ad statum naturalem quam-

maximè accedebant. Tandem ambitus corporis quam candidus, & laxè constructus erat, cum contra in statu naturali potius torosus fuisset, & subobscurus.

OBSERVATIO VII.

Viator quidam Neapolitanus, Annorum circiter quadraginta, temperamenti ad cachexiam tendentis, & pleni habitus, ob summam virium laxitatem, ac prostrationem cum febre, nec non hypocondriorum, Lumborumque dolore, ac tussi sicca, & difficili respiratione receptus est inter ægrotantes hujusce Senarum Nosocomii: dicebat autem se tempore

vitæ suæ obnoxium fuisse hæmorrhoidali fluxui periodicè recurrenti post binos menses; sed jam per duos periodos artis præsidio liber evasit: Nam ob summam hæmorrhoidalem evacuationem in ultima periodo, ad spiritus Vitrioli usum externè, & internè, Chirurgi consilio se contulit, cujus ope quam cito convaluit; at paulatim incidit in difficilem respirationem, & lumborum dolorem, nec non appetitus deficientiam, quibus tandem erratica febris accessit, podicis dolor cum aliquantulo hæmorrhoidali sanguine profluente, nec non recurrentes cordis palpitationes. In curatione hujusce morbi emollientia adhibi-

ta

ta fuere, blanda emmenagoga,
 & parvæ, sed repetitæ sanguinis
 emissiones, etiam cum sanguiſugis
 ad venas hæmorrhoidales applici-
 tis; ſed labente tempore omnia
 in pejus ruere cœperunt: Nam
 cruda, ac feralis tuſſis acceſſit
 cum frequentioribus cordis palpi-
 tationibus, nec non exacerbatio-
 nibus noctis tempore, cum ſubſe-
 quentibus, & particularibus ſym-
 ptomaticis ſudoribus, ac laborio-
 ſiſſima reſpiratione, cum pulſu
 parvo, & aliquoties intermittente;
 atque ita laborioſiſſimè perduran-
 do per menſem circiter cum ſum-
 ma naturæ virium proſtratione,
 & pectoris ſtertore, tandem po-
 ſtquam aſtonia duos dies laboraſ-
 ſet,

fet, jam sacrosanctis Ecclesiæ actibus præmunitus occubuit.

Postridie autem, curiosius pro inquirenda hujusce morbi, ac mortis causa, ad sectionem devenimus: ac primum dissecto thorace, magnam feri copiam in ambabus pleuræ cavitatibus inveni, ipsasquemet partes musculosas laxiores, ac molliores esse fatis, superque conspeximus. Pulmo totus vero undique coopertus mucosa materia apparuit ad quatuor fere linearum crassitudinem, & speciatim in ipsiusmet extremis, usque ad sex. Quædam hujusce materiæ quantitas in ferventem aquam injecta, numquam ad solutionem devenit, sed potius in
se

se ipsa concrevit, & durior evasit, ac aqua ipsa in eadem claritate permansit. Similiter aliam æqualem quantitatem in aquam simplicem e Puteo extractam immisi, ac multum permiscui, eodemque ipso tempore turbidam fieri pervidi concreta materia super imposita fere ad fundum subsidente: sic omnia in vase vitreo ingesta ad modicum ignis colorem apposui, ac retinui usque ad summum hujusce mixtionis æstum: Quo facto materiam ipsam fere ad nihilum transivisse animadverti, & quò æstuosior evadebat aqua, eò magis solubilem fieri materiam, & per aquæ particulas ita dissolvi, ut opacitatem æquali-

bilem per ipsam massam induxerit. Similiter aliam quamdam portiunculam prædictæ materiei super ardentem ignem imposui, statimque foetentem sensi, fere empirumatico cum odore ipsimet puri, ac virulentiae non dissimili (a). Sed ut redeam, unde discessi, Pulmo ipse per bronchiales suas cavitates, ac ipsammet asperam--arteriam foetente humore in purem converso fere undique repletus comparuit. Ipsum pericardium externè pervidi ad nimiam molem pervenisse, quo per cultrum dissecto, magnam flavescens ferè deprehendi portionem, & ipsius
cor-

(a) V. Antonius de Haen. Ratio Medendi P. II.
C. II. Et cl. Sauvages de Inflammatione.

cordis fere duplam magnitudinem. Hujusce auricula dextera, una cum venæ cavæ sinu capacitatem duplo majorem habebat, quam intus continere, una cum ambabus ipsius cordis ventriculis, atrum, nigrumque sanguinem, ac vix grumefactum inveni; Dexter autem ventriculus quam amplificatus, si-ve capacitare auctus comparuit, ipsamque parietum substantiam laxiorem esse satis vidimus. Sinistrum vero ventriculum, quamvis ex ipsomet grumefacto sanguine repletum, adhuc esse in statu naturali nobis patuit, si excipias præternaturalem parietum laxitatem. Valvulæ quidem tricuspidales ipsiusmet dexteri cordis ventri-

tri-

triculi quam prolungatæ fuere ,
 uti etiam ipsæ respondentes co-
 lumnæ , seu lacerti . Interim in
 perlustrandis semilunaribus arteriæ
 aortæ , unam vidi cum jam sup-
 purato tumore non multum am-
 plo , & ori ipsius aortæ respon-
 dente : In aliis vero duabus val-
 vulis , fere in medio , ac basi u-
 nius , pisiformis tumor , gypsea
 materia repletus inhærebat , ac
 proprio folliculo coercitus . Dein-
 de vero dissecto abdomine , jecur
 nimix molis comparuit , & fere
 supra tertiam partem æquabiliter
 auctum ; In sua cystifællea bilis
 abundantior inhærebat , sed nimis
 mucillaginea , & ad viridem co-
 lorem tendens . Tunica externa
 ipsius

ipsius jecoris e peritoneo proveniens, nimiae consistentiae erat, crassior, ac albicantior. Truncus ipse venae cavae adscendens, speciatim in tractu ipsius jecoris, ac Diaphragmatis perforatione, seu transitu, quam amplificatus, seu summè varicosus æquabiliter erat. Lien vero fere duplus videbatur, & per quam laxissimus in substantia comparuit. Ventriculus in statu naturali mihi visus fuit. Omentum vero quam consumptum erat, & totum ventriculum versus coercitum. Mesenterium, ejusque glandulae in statu naturali erant, uti etiam pancreas. Verum enim vero totus truncus, ac directio venae portae, una cum lienaribus,

me-

mesentericis, Epiploicis &c. venis, ac propaginibus maximè dilatata erant, omniaque varicosa videbantur. Tandem totum corpus quamvis externe rite constructum, auctumque cum summa partium proportionem, quam flaccidissimum erat, speciatim totum systema musculare; Et ipse panniculus adiposus non admodum erat consumptus, sed ipsa adeps nimis diluta, & parvæ resistantiæ apparuit.

Ex hac historia cum corporis sectione vides B. L. quam anomala symptomata, & morborum concursus comparuere, ob solam imprudenter retropulsam hæmorrhoidalem evacuationem!

F

OBSER-

OBSERVATIO VIII.

Virgo annorum decem , & quatuor circiter, pleni habitus, & calidi, ac ficci, ut ajunt, temperamenti, postquam sese in paludosas aquas ad capiendas sanguisugas pluries demersit, coepit putrida febre continua laborare cum summa corporis laxitudine, capitis dolore, intensa siti, nec non arida lingua, ac pulsu duro acriter urgente; Propterea eadem ipsa die ad Phlebotomiam ex brachio deveni, qui sanguis detractus expers serosæ partis, & summà vividus postera die fuit cognitus. Febris vero cum
præ-

prædictis symptomatibus deinceps
 incalescebat, eoque aliam sangui-
 nis missionem ex alio brachio i-
 teravi, & denuo altera die per-
 lustratus sanguis, æquabiliter ob-
 ductus crusta alba, tenacique fuit
 inventus. Ad sitis usum aquam
 hordei dilutam, aliquantisper aci-
 dulatam præscripsi: Tamen an-
 xietas, sitis, & ipse febris impe-
 tus ad summum devenerunt. Quar-
 ta vero morbi die, exanthemata
 intensi rubri coloris per ambitum
 apparuere, & abdomen aliquan-
 tisper ad tympanitidem transit
 cum hypocondriorum suspensione,
 alvique mollitie, cum bile vitelli-
 na, ac acri. Itaque virgo dolori-
 bus undique circumventa, noctem

insomnem duxit, cruciatibusque
 plenam. Quinta vero die exan-
 themata patentiora fuerunt, pul-
 susque elevatiores, ac uno verbo,
 omnia placidiora videbantur: sed
 sub medietatem hujusce diei, uri-
 næ ardor absque manifesta causa
 comparuit, quamvis idem lotium
 fere ad naturalem statum acce-
 deret; Hinc urinæ cruciatus dein-
 de auctior evasit, una cum eadem
 feбри, quæ denuo summum vigo-
 rem accepit, una cum alvi segni-
 tie, & tympanitidis exasperatione;
 Unde coactus fui ad enematum
 usum confugere. Septima autem
 die febris recrudit cum prædictis
 symptomatibus, sed pulsus con-
 stanter elevatiores fuerant, ocu-
 lique

lique tamquam jubar apparuere, una cum naturali facie, & exanthemata abierunt, ac ambæ Parotides ad præternaturalem tumefactionem quam cito devenerunt, & urinæ ardor, immo pudendarum partium ardor ad summum transiit; Ita ut coactus sim demulcentia, & immediatas cum hordei aqua ablutiones sæpe sæpius per diem adhibere. Octava morbi die tendinum subsultus, oculique splendidiores apparuere, & Delirium postea accessit, una cum majori Parotidum inflammatione, ac tumefactione, nec non alvi segnitie, ac constanti hypocondriorum suspensione. Nona vero die anxie se habuit cum prædi-

ctis symptomatibus, & Parotides jam jam ad suppurationem accesserunt, partesque pudendorum externæ quam maximè inflammatæ comparuere, una cum summo urinæ cruciatu. Decima die omnia firmo pede permanserunt, & Parotis sinistra jam ad stabilem suppurationem transiit: Eadem etiam die Lanceolæ ope illam referavi, magnaue puris pars exivit, cujus ope delirium, & tendinum subsultus quievere; sed non ita accidit, quod spectat ad dexteram Parotidem, pudendarumque partium inflammationem, ac febris impetum, qui potius magis, magisque invalescebat. Undecima morbi die omnia symptomata in
tran-

tranquillitate fuere , si excipias
 recurrentes vigilias , & anxietates . Duodecima vero die Parotis
 dextera jam ad perfectam suppurationem pervenit , ut ex fluctuantibus materiis satis patuit ; Et
 quoniam pudendorum labia simul nimium inflammata conspexi , &
 ad gangrænam producendam quam proximiora , uti ex ipsomet abolito sensu , & cuticulæ separatione apparuit ; Parotidis sectionem prætermisi ad sequentem diem ;
 atque illico externis labiis Avicennæ emplastrum , seu potius cataplasma imposui ad vitæ continuationem , & sacrosanctos Ecclesiæ actus ægrotanti adhiberi jussi ,
 quamvis ægra noctem vere satis

quietam duxisset. Decimatertia die summo mane lanceola prædictam suppuratam Parotidem aperui, ex quâ copiose verum Pus effluxit; sed pudendorum labia ad nigredinem potius accedebant, febrisque impetus magis, magisque invalescebat cum pulsu sublimi, ac molliori, nec non oculorum nitore, & bono faciei habitu. Circa finem vero decimæ quartæ diei febris ad placiditatem rediit, una cum præfatis symptomatibus, & ægra noctem duxit multo placidiorem; sed pudendorum labia ad sphacellum, seu fiderationem accessere, & sese confirmarunt. Tandem ut breviter dicam ab hac metipfa decimaquarta die, ad vigesi-

gesimam octavam usque febris placidior perduravit, & ipsæmet Parotides jam apertæ perpetuo vero, & copioso pure manarunt, feliciterque sunt expurgatæ ad firmam, ac stabilem usque cicatricem. Externa vero pudendorum labia, una cum propriis Nymphis naturaliter deciderunt, & vossellæ, seu Forficis ope ab intactis partibus rite separata fuere, & solummodo clitoris, una cum vaginæ sacco intacta, ac integra permansit. Totus hujusce curationis cursus solo, ac simplici communi digestivo cum aliquantula mirrha in pulverem redacta absolutus fuit mensium duorum circiter spatio.

Mira-

Mirabile quidem visu fuit, quod externa pudendorum pars cicatrice plane fuerit obducta, quæ fatis plana, ac lævigata, nec non continua cum perineo, ac podice videbatur, una cum clytoride distincta, superexpressa, & intacta. Ægra vero pristinum intra prædictum temporis spatium, sanitatis, ac floriditatis statum recuperavit, absque ullo alio corporis nocumento. Verum enim vero duobus circiter annis feliciter in pristinum floriditatis statum transactis in febrem inflammatoriam incidit, intestinorumque gracilium inflammationem, ex qua tandem, nescio quo fato, vitam cum morte commutavit.

Ex

Ex historia hac, quam tibi offero b. l. magnum naturæ artificium miraberis, cujus sola, ac simplici laudabilissima methodo ægra illa curata, ac feliciter ab orci faucibus ex tam magno morbo erepta est: Quamquam postea alio crudiori morbo cum magna hominum displicentia e vita decessit.

OBSERVATIO IX.

Mulier torosæ constitutionis, Annos fere quinquaginta, & octo nata, temperamenti ad calidum, & ficcum tendentis, & ad laborem assueta, quæ suo tempore feliciter, ac legitimè plures
Fi-

Filios pepererat, coepit molestissimis doloribus laborare in toto abdomine cum hypocondriorum tentione, una cum diris hystericis convulsionibus, & tympanitide, nec non cum febre erratica tertio, & aliquoties quinto quoque die superveniente, ac pudendarum partium albo, seu potius ferofo, nimisque foetente, ac pertinaci fluxu, cum earundem partium ardore, nec non gravi, ac continuo pondere in pelvi regione, absque graviditatis suspitione, externarumque partium exulceratione. Notandum vero, quod plerumque supradictarum symptomatum congeries ex copiosiore praedicto fluxu evanescebat. Post quatuor fere hujus-

mo-

modi laboriosos menses, quotidiana febris accessit cum manifesto horroris sensu, noctu incrudescente, cum continuo partium pudendarum, & uteri cruciatu, ac pondere, ita ut corpus ad summam emaciationem quam cito fuerit perductum.

Ex hac metipfa ad hunc usque locum historia satis, superque patet morbum illum ad uteri exulcerationem referri potuisse, & revera eo nomine morbus ille remediis cum externis, tum internis curatus fuit; sed incassum per tres fere annos a variis medicis domi percurata, tandem ad nosocomium hoc translata fuit, ubi ad summam naturæ virium & corporis

poris imbecillitatem redacta, ac consumpta, quam placidissimè pertractata fuit. Nihilominus vomitus accessit, una cum febre continua, & convulsionibus, quibus fere perpetuo exagitata, peractis Sacrosanctis Ecclesiæ actibus, anxie requievit mense Octobris MDCCLX.

Postea vero ad cadaveris sectionem deveni; & quoniam ex tota symptomatum caterva, morbi sedes in abdomine, & speciatim uteri parte unanimi consensu credebatur; Ideo ab hac ipsa parte sectionis initium feci. Reclusis igitur integumentis, & musculis carne exutis ipsius abdominis cum peritoneo, in sui anteriore parte

in

in prospectum venit ipsum Omentum quam maxime consumptum, nec non exulceratum undequaque, ita ut vix pro tertia sui parte conspiceretur, & non minima puris pars intestinis supernatans comparuit quam foetentissima. Jecur vero mole auctum, & substantia aliquantisper immutatum visum fuit, speciatim in lobo anteriori ipsi ventriculo superjacente. Intestina præsertim tenuja, quam turgidissima, & ab aere rarefacto fuere; Et ipsæmet mesenterii glandulæ pro majore sui parte ad scirrhositatem redactæ, & supra modum auctæ, quales etiam fuere lymphaticæ lumbales glandulæ, & aliquantisper ipsum pancreas. Ambo

bo vero muliebres testiculi supra triplum adaucti videbantur, inaequales, & sparsim quammaxime turgiduli, tactuique resistentes, quibus cultro dissectis, fere omnes ovumculos materia alba, & glutinosa, ac fere gypsea repletos aspexi, suosque folliculos hic, illic fere ad cartilagineam substantiam redactos fuisse animadverti. In dextera autem testiculorum parte, praeter praedicta, tres seorsim distinctae hydatides comparuerunt e propria ipsius testiculi substantia prodeuntes, magnitudine supra duplum ovi Gallinacei, cum folliculo minimae resistentiae. Uterum vero, quod ad molem attinet, magnitudinem, & substantiam,

tiam, ad naturaleu statum accedere satis, superque patuit.

Per longum vero dissecto fœdum ulcus in cervice comparuit, totam internam superficiem comprehendens, absque ulla ipsius vaginæ læsione, uti postea patuit ex diligenti examine, etiam per nitidissima vitrea instrumenta. Ulcus hoc serpens, nigris maculis fere undequaque coopertum videbatur, & aliquantum digitis compressum foetidissimo humore fluxit; Verum in hujus fere medietate, & posteriori congruente ipsius parte, portiunculam gangrenosam adesse ex suamet substantia, profunditate, & scabra superficie, satis patuit. Quod vero tandem

G

nota-

notatu dignum fuit, Cadaver toto externo ambitu consumptum apparuit, & musculares partes quam graciles fuere, nimixque consistentix, & quam cito putrescentes.

OBSERVATIO X.

Mulier quædam fuit fere octogenaria paupercula, habitu corporis macilento, & imbecillo, staturæque mediocris, quæ vili, & exiguo victui assueta vitam ex sola fidelium pietate pluribus ab hinc annis ægerrimè sustentabat. Hæc summa corporis debilitate consumpta, Fidelium subsidio ad Nosocomium hoc Regium

gium Senarum fuit asportata, in quo absque febre sensibili intra mensem propria naturæ lege e vita migravit.

Postridie vero devescto ejus cadavere in Theatrum anatomicum ad perquirendas, & præparandas mulierum partes genitales, studioforum Juvenum causa, in testiculo dextero hujus corporis, & fere in ejus centro inequalis tumor inventus fuit externè albicans, & subdurus, magnitudine major ovo anserino; ac cum folliculo tenacioris texturæ, & hic illic fere ad cartilagineam duritiem redactò. Dissectum hunc folliculum vidi repletum esse glutinosa materia, seu potius unctuosa, atque ad

minima grana seorsim redacta, & æquabiliter albescente, in cujus centro magna pilorum quantitas aderat, non dissimilium illis, qui in pube adhuc inerant. (a) Quod vero mirabilius fuit, omnes hi Pili centrum versus reclinati, & fere simul in glomerem circinnati comparuere, ut videre est in T. III. F. II. OOOO. Hanc granosam materiam, & fere sebaceam facile in aqua solubilem fieri cognovi, idque facilius in ferventi aqua, & absque aliquo foetore semper comparuit.

Ex hoc ipso morbo, casu invento, curiosius ad vitæ cursum hujusce mulieris exquirendum summa

(a) V. cl- Guilhelm. Fabricius Hildanus Cent. V. Obs. XLVIII. p. 435.

ma diligentia me contuli, plurimumque hominum historiis collegi, mulierem hanc debita ætate, corporisque plenitudine, & statura ad Nuptias devenisse, & per duodecim fere annorum cursum; naturaliter, & quam felicissimè duos solummodo filios peperisse, semperque florentem vitam duxisse; Marito igitur morte prærepto, paulo post illa ad secundas nuptias, transiit in quo statu numquam gestavit, & vitam quam miserrimam duxit per sæpe repletam, & fere obrutam animi pathematibus cum crudelissimis hystericis convulsionibus, & miserabilissimo victu. Verum post decem, & septem annos hic secun-

dus coniux e vita decessit; & ex
 illo tempore caste vitam duxit
 usque ad senectutem, & mortem;
 sed sæpe sæpius in statu hoc ar-
 tritide morbo laboravit, summis
 cruciatibus vexata, ac proprii vi-
 ctus necessarii defectu anxie per-
 turbata.

Hæc sunt, quæ summa indû-
 stria, & diligentia colligere po-
 tui, ut intelligeretur, quod reve-
 ra ex ipsamet experientia duce,
 & Celeberrimorum Scriptorum
 autoritate constat, huiusmodi
 tumores causam ducere ex ani-
 mi pathematibus, & inepto vi-
 ctu, speciatim farinoso, & pulta-
 ceo (a).

Quid

(a) V. Schenchiſ Obs. Med. L. IV. de Mulierum
 vasis ſpermaticis, & Teſticulis Obs. 2. V. cl.

Quid vero de miris hisce tumoribus sentiant curiosi, dicam cum Paulino (a) -- Mihi fatius est discere, quam dicere; -- & ut
 „ nobis innuit Cl. Wan-swie-
 „ ten (b) sufficit enim Medico
 „ novisse quid fiat in corpore,
 „ licet rationem facti non sem-
 „ per liquido intelligat.

EXPLI-

V. cl. Tyson collect. Philosoph. Anglic. n. 2.

V. ~~Horstius~~ L. IV. De Morbis infimi Ventris
 Obs. LIIL.

V. Sennertus L. IV. P. I. S. II. C. XX. ex Joanne Bauchino.

V. cl. Albertus Haller in Disputationibus ad Morborum historiam, & curam facientibus T. IV. p. 477. &c.

(a) V. Ephemer. Naturæ curios. Decas I. Ann. VIII. p. 183.

(b) V. Comm. ad cl. Boerhave §. 1329. T. VIII. p. 219.

EXPLICATIO TAB. I.

AAAA. **T**otum abdomen ad
nimiam, ac præ-
ternaturalem extensionem, nec
non monstruose redactum.

BB. Herpeticas pustulas circum circa
umbilicum positas, ex quibus
continue copiosum serum pro-
fluebat.

CC. Brachia ad medium fere hume-
rum dissecta.

DD. Crura ad Genua resecta.

EXPLICATIO TAB. II.

In qua demonstratur totus folli-
colatus tumor horizontaliter dis-
sectus, ut magis, ac magis pa-
teat

teat sua interior substantia, & multò diversi interni folliculi cobærciti.

AAAA. Cuticula, cum cute simul avulsa, & exterius posita.

BBBB. Panniculus adiposus multò consumptus, & fere ad meram membranam cellularem redactus.

CCCC Proprii ipsius abdominis musculi summè consumpti, & laxi, una cum peritoneo.

DD. Crura ad Genua dissecta.

EE Brachia ac fere medium humerum resecta.

F. Jecur cum vessica fellea in sua naturali positione sub spuriiis costis in latere dextero detentum.

G. Ventriculus sub Diaphragmate positus in latere sinistro, & aliquan-

quantisper sublevatus, ut pateat.

g Ipsum Pancreas subiacens.

H. Lien in latere sinistro sub costis spuris.

IIII. Intestinum colon in sua naturali positione huc illuc coalescens cum externo folliculo, & superiori magni tumoris, & reliqua sui portio, una cum aliis intestinis omnes cooperti, & subiacentes ipso tumori erant

LLLL. Totus tumor folliculatus horizontaliter divisus, ut magis pateat interior ejus substantia in variis tot folliculatis tumoribus divisa.

MMM. Varii folliculi exterius in communi magno folliculo re-
tenti.

NNNNN. *Varii, & admodum diversi folliculi, cum in forma, tum in substantia, ex quibus conficiebatur fere tota interna tumoris compages, & admodum diversæ materie repleti.*

OOOOO. *Ampla, ac superior cavitas ipsius tumoris materie virulentæ repleta, partim saturata decoctioni granorum coffe, & partim melli simplici, variæ consistentiæ, & glutinositatis, ad pondus circiter librarum XL.*

EXPLICATIO TAB. III. F. I.

A. **U** *Terus, cujus fundus præter naturam expansus est sub magno tumore. Va-*

BB. *Vagina magis expansa, & rugosa, & juxta longitudinem per dimidium secta.*

C. *Uteri osculum.*

DD. *Rugæ ipsius Vaginæ interius positæ*

EE. *Rotundum ligamentum sinistrum ex uteri fundo proveniens.*

FF. *Tuba Falloppiana sinistra.*

f. f. *Lacinia ipsius tubæ in externo orificio positæ.*

GG. *Testiculus muliebris, sinister cum suo ovario, ovulisque scirrhusis, ac patentioribus redditus.*

H. *Arteria spermatica sinistra ab exortu ad testem, tubam, & uteri fundum desinens.*

I. *Vena spermatica sinistra.*

L. *Ligamentum uteri latum, alis*
Ve-

Vespertilionum Anatomicis assimilatum, per quod spermatica vasa ad tubam disseminantur.

MM. *Arteriae, & venae hypogastricae per uterum &c. divaricantes.*

NN. *Magnus tumor folliculatus totam abdominis anteriorem partem occupans, & aliquantisper sublevatus, & externe in quatuor partes divisus.*

OOOOOO. *Varii similiter parvi folliculati tumores sparsim per communem folliculum contenti, & cohaerenti, ac repleti, ut plurimum, ex humore albumini ovi simili.*

PP. *Varii folliculi intus retenti in magno folliculo, & positi in fun-*

fundo ipsius magni tumoris, nec non repleti ex variis humoribus diversæ consistentiæ; Ac tubæ dexteræ arcte connexi cum exteriori communi folliculo: uti inter se ope cellularis membranæ, & alicujus muscularis fibræ, nec non vasorum sanguiferorum.

QQQQ. *Vasa arteriosa, & venosa promiscuè serpentia per communem folliculum externè, & internè, ex quibus totus tumor nutriebatur.*

EXPLICATIO TAB. III. F. II.

I*N qua folliculatus tumor in o-
ctogenariæ dextero testiculo ca-
su inventus, demonstratur.*

- A. Uteri fundus in sua naturali,
& anteriori positione.
- B. Uteri cervix.
- C. Uteri osculum.
- DD. Rugæ ipsius vaginae.
- EE. Arteriæ, & venæ hypogastricæ
per uterum divaricantes.
- FF. Rotundi ligamenti ipsius uteri
ex utraque parte.
- GG. Venæ spermaticæ ex utraque
parte inferius translatae.
- HH. Arteriæ pariter spermaticæ
ab ex ortu ad testes, tubas,
& uteri fundum desinentes.
- II. Muliebris testiculus sinister fere
in statu naturali.
- MMM. Folliculus membranosus ipsius
tumoris in situ naturali, sum-
mæ resistentiæ donatus, & in
parte dextera positus. N.

N. *Idem folliculus divisus, ac detractus, ut facilius tumoris cavum inspicere possit.*


OOOO. *Substantia ipsius tumoris undique repleta ex materia sebacea granosa, una cum pilis simul fere in glomerem circinnatis, speciatim in medio.*


PPPP. *Tubæ Falloppianæ ipsius uteri ex utraque parte.*


QQ. *Ligamentum latum sinistrum uteri, alis Vespertilionum Anatomicis assimilatum.*

LLLL. *Lacinie membranosæ ipsarum Tubarum ex utraque parte.*

Tab: I







Tab: III

Fig: II





Fig: I





INDEX OBSERVATIONVM.

P Utrida febris petecchialis cum molæ excretionē, & bipartitus uterus inventus. OBS. I. Pag.	17
Monstruosum abdomen per difformem struma in testiculo muliebri enatum. OBS. II.	27
Catarrhus suffocativus ob nimiam tracheæ angustiam per bronchiales glandulas scirrhasas reditas. OBS. III.	45
Contumacis capitis dolor cum continuo frigoris sensu in Muliere, ob tumorem follicolatum in ventriculo sinistro ipsius Cerebri, inventum. OBS. IV.	49
Peripneummonia, una cum cordis inflammatione ob scabiem caninam imprudenter retropulsam. OBS. V.	58
Recurrentis hæmoptisis cum cordis palpitationibus per nimiam dilatationem, & Prolationem dexteri cordis, & speciatim venæ cavæ sinum. OBS. VI.	65
Cordis palpitatio ob imprudenter suppressam consuetam hæmorrhoidalem evacuationem, & nimia cordis dexteri, una cum venæ cavæ sinu, dilatatio. OBS. VII.	72
Febris continua putrida in Virgine cum pudendorum gangrena, & sphacelo superveniente, feliciter percurata. OBS. VIII.	82
Uteri exulceratio cum diris convulsionibus. OBS. IX.	91
Pilosus tumor in testiculo Muliebri octogenariæ inventus. OBS. X.	98

ERRATA CORRIGE

Pag. 4. v. 13. fuscipere	suspiciere
11. v. 15. sana	sanè
33. nota I.	T.
37. v. 2. replicatam	repletam
37. v. 6. replicati	repleti
39 v. 9. L. I.	L. O.
47. v. 1. radditas	redditas
51. v. 8. congrui	congruè
77. v. 10. ac ipsammet	ac per ipsammet
98. v. 4. nimixque	minimæque
103. v. 7. fido	fiat.

